

PELUANG KEDUA DIBERIKAN TERHADAP TAKSIRAN CUKAI YANG TERSILAP LAPOR

Program Jom Klik HASiL yang dilaksanakan oleh Lembaga Hasil Dalam Negeri Malaysia (LHDNM) atau HASiL pada 1 Mac 2023 yang lalu telah pun selesai. Tahniah diucapkan kepada mereka yang telah berjaya melaksanakan tanggungjawab sebagai pembayar cukai dengan melaporkan pendapatan bagi Tahun Taksiran 2022 menerusi e-Filing.

Bagaimanakah pula dengan anda yang masih belum berpeluang untuk membuat e-Filing pada tahun ini? Sudahkah anda melengkapkan dan menyediakan dokumen yang secukupnya bagi tujuan tersebut, terutamanya yang melibatkan pelepasan cukai yang boleh dituntut bagi perbelanjaan yang telah dibuat pada tahun 2022? Pastikan semuanya berada dalam keadaan yang tersusun rapi dan mudah dirujuk bagi memudahkan urusan perculaian anda.

HASiL sentiasa mengingatkan pembayar cukai untuk menyediakan rekod perculaian dengan baik sama ada bagi pendapatan yang diterima maupun perbelanjaan yang telah dilakukan pada setiap tahun taksiran. Tujuannya adalah untuk memudahkan pembayar cukai membuat rujukan ketika melaporkan setiap jenis pendapatan yang diterima bagi tahun taksiran tertentu selain daripada menuntut perbelanjaan yang boleh ditolak sebagai pelepasan cukai. Hal ini bagi mengurangkan berlakunya risiko kesilapan yang tidak disengajakan dalam taksiran cukai yang telah dihantar kepada HASiL.

Bolehkah pindaan dibuat atas taksiran cukai yang telah dihantar kepada HASiL?

Pindaan atas taksiran yang telah dilaporkan kepada HASiL masih boleh dibuat, namun bergantung kepada situasi pindaan. Pembayar cukai boleh menggunakan tiga jenis medium bagi membuat pindaan taksiran cukai, iaitu sama ada secara dalam talian, secara manual dengan hadir ke pejabat HASiL yang berdekatan atau menggunakan Borang Nyata Terpinda.



MEDIUM BAGI PINDAAN TAKSIRAN CUKAI

SECARA DALAM TALIAN

- Di <https://mytax.hasil.gov.my/>
- Hanya untuk penghantaran Borang BE (individu pemastutin yang TIDAK menjalankan perniagaan) dihantar menerusi e-Filing
- Tempoh penghantaran antara 1 Mac 2023 sehingga 15 Mei 2023 sahaja

KE PEJABAT HASIL

- Hadir ke Pejabat HASiL yang mengendalikan fail sebelum 1 Mei 2023
- Dan mengemukakan surat rayuan bersama-sama dokumen dan resit yang berkaitan

BORANG NYATA TERPINDA

- Bagi pindaan dikemukakan selepas tarikh yang ditetapkan dan dalam tempoh 6 bulan dari tarikh akhir pengemukaan Borang Nyata (BN)
- Dikemukakan ke Pejabat HASiL sama ada secara serahan tangan atau melalui pos
- Borang boleh dimuat turun menerusi portal rasmi HASiL di <https://www.hasil.gov.my/> mulai 1 Mei 2023


Sumber: Poster LHDNM

Walau bagaimanapun, pindaan taksiran cukai yang hanya melibatkan maklumat asas seperti kesilapan nombor akaun bank, boleh terus dibuat dengan mengemas kini maklumat tersebut menerusi pautan e-Kemaskini yang boleh dicapai melalui MyTax. Sebelum e-Filing dihantar, pastikan nombor akaun bank adalah tepat bagi mengelakkan sebarang isu kelewatan terutamanya bagi tujuan bayaran balik (sekiranya ada).

Kaedah pindaan adalah berbeza bagi setiap situasi tersilap lapor, iaitu sekiranya pembayar cukai **TERLEBIH lapor pendapatan** atau **TERKURANG menuntut pelepasan** dalam Borang BE yang asal, mereka perlu membuat pindaan secara dalam talian menerusi e-Permohonan Pindaan BE yang boleh digunakan mulai 1 April 2023 melalui pautan <https://mytax.hasil.gov.my>.

Manakala sekiranya pembayar cukai **TERKURANG lapor pendapatan** atau **TERLEBIH tuntut pelepasan** pula pindaan boleh dilakukan dengan mengemukakan surat rayuan permohonan pindaan bersama-sama dengan semua dokumen yang menyokong maklumat yang hendak dipindahkan ke pejabat HASiL yang mengendalikan fail cukai mereka sebelum 1 Mei 2023.

Permohonan pindaan yang dibuat sama ada di dalam tempoh mahupun di luar tempoh pengemukaan Borang Nyata, kedua-duanya perlu menyediakan dokumen seperti surat rayuan permohonan pindaan, salinan Borang Nyata yang telah dihantar dan dokumen sokongan bagi pendapatan yang diterima serta semua pelepasan yang dituntut. Borang Nyata Terpinda ialah dokumen tambahan yang perlu dikemukakan oleh pembayar cukai yang membuat pindaan di luar tempoh pengemukaan Borang Nyata.



Sumber: Poster LHDNM

Elakkan Kesilapan

Melaporkan pendapatan dan membayar cukai merupakan proses yang mudah sekiranya pembayar cukai benar-benar teliti. Walau bagaimanapun, urusan cukai yang mudah ini akan dirasakan sukar apabila pembayar cukai tidak bersedia dan kurang teliti sehingga cenderung untuk melakukan kesilapan.

Pastikan anda mengelakkan daripada melakukan kesilapan seperti yang berikut:

- i. Gagal melaporkan pendapatan yang betul.
- ii. Tidak menuntut amaun pelepasan yang dibenarkan.
- iii. Kesilapan yang timbul daripada salah faham undang-undang. Pastikan sebarang pembelian dibuat atas nama pembayar cukai bagi tujuan menuntut pelepasan.
- iv. Terlebih menuntut pelepasan atau derma.

Perubahan Taksiran Cukai Akibat Pindaan

Seseorang yang pada asalnya tidak dikenakan cukai boleh dikenakan cukai akibat daripada pindaan taksiran yang dibuat. Bukan itu sahaja, cukai tambahan mungkin dikenakan terhadap pembayar cukai yang boleh mengakibatkan mereka tidak layak untuk menerima bayaran balik walaupun pada asalnya mereka layak.

Bagi mengelakkan sebarang kesulitan pada masa hadapan, pembayar cukai adalah dinasihatkan untuk menitikberatkan beberapa perkara seperti yang berikut:

- i. Mengumpul, merekodkan resit-resit perbelanjaan dan seterusnya membuat kiraan manual terlebih dahulu sebelum membuat e-Filing.
- ii. Membuat perbandingan dengan pasangan (bagi yang telah berkahwin) berkaitan pelepasan bersama-sama seperti pelepasan anak.

Adalah penting untuk menuntut pelepasan dengan betul kerana pembayar cukai berisiko untuk diaudit sekiranya maklumat yang diberikan adalah meragukan.

Hanya Sekali Pindaan Dibenarkan

Pembayar cukai yang telah mengemukakan Borang Nyata dalam tempoh yang ditetapkan adalah dibenarkan untuk membuat pindaan melalui e-Permohonan Pindaan BE atau melalui Borang Nyata Terpinda terhad kepada sekali pindaan sahaja. Sekiranya masih terdapat pindaan selepas permohonan pindaan pertama dibuat, surat rayuan dan pindaan perlu dikemukakan ke pejabat HASiL yang berkenaan. Mudahkan urusan cukai dengan memastikan tiada lagi pindaan kedua selepas pindaan pertama dihantar.

Sehubungan dengan itu, bagi mengelakkan kesilapan, pembayar cukai hendaklah membuat semakan dengan terperinci terlebih dahulu sebelum semua maklumat yang dilaporkan dalam Borang Nyata dihantar kepada HASiL. Maklumat lanjut bolehlah dirujuk melalui portal rasmi HASiL www.hasil.gov.my.



Sumber: Poster LHDNM



TEMA – LAPOR PENDAPATAN

1.

E	G	A	I	N	J	N	A	G	P

Individu yang menerima pendapatan _____ akan mengemukakan Borang BE kepada HASiL, tarikh akhir penghantaran borang tersebut adalah pada 30 April secara manual atau pada 15 Mei secara dalam talian pada setiap tahun.

2.

E	A	N	G	I	P	N	A	A	R

Individu yang menerima pendapatan _____ akan menghantar Borang B pada atau sebelum 30 Jun secara manual atau pada 15 Julai secara dalam talian pada setiap tahun.

3.

A	T	F	P	O	M	R	L	E	-	L	G	F	I	I	N

Penghantaran borang secara dalam talian dibuat melalui _____ yang boleh dicapai melalui sistem MyTax, <https://mytax.hasil.gov.my>.

4.

E	D	K	R	O		U	A	E	R	I	P	C	A	K	N

Pembayar cukai hendaklah menyediakan dan menyimpan _____ dengan baik sama ada bagi pendapatan yang diterima mahupun perbelanjaan yang telah dilakukan pada setiap taksiran.

5.

A	E	A	P	P	N	S	E	L

Pastikan sebarang pembelian dibuat atas nama pembayar cukai bagi tujuan tuntutan _____.

I	A	A	P	N	N	D

_____ yang dibuat selepas tarikh yang ditetapkan dan dalam tempoh enam bulan dari tarikh akhir pengemukaan borang boleh dibuat dengan menggunakan Borang Nyata Terpinda.

E	-	H	E	R	P	N	M	M	O	A	O	I	N	D	A	N	A	P	E	B

Pembayar cukai yang telah mengemukakan Borang Nyata dalam tempoh yang ditetapkan dibenarkan untuk membuat pindaan melalui _____ atau melalui Borang Nyata Terpinda dan terhad kepada sekali pindaan sahaja.

O	N	R	G	A	B	A	A	N	T	Y	E	I	D	T	A	N	P	R	

Pembayar cukai boleh membuat pindaan ke atas taksiran cukai yang telah dihantar dengan menggunakan tiga jenis medium, iaitu sama ada secara dalam talian, secara manual dengan hadir ke pejabat HASIL yang berdekatan atau menggunakan _____.

R	L	B	T	H	I	E	E	A	O	R	L	P	

Pembayar cukai yang tersalah lapor dalam Borang BE yang asal bagi situasi _____ pendapatan atau terkurang menuntut pelepasan, pindaan secara dalam talian menerusi e-Permohonan Pindaan BE boleh dibuat mulai 1 April 2023 melalui pautan <https://mytax.hasil.gov.my>.

O	R	N	B	G	A	Y	T	N	A	A

Pembayar cukai adalah dinaisahkan untuk menyemak terlebih dahulu semua maklumat yang dilaporkan dalam _____ sebelum dihantar kepada HASIL bagi mengelakkan kesilapan.

PERATURAN

1. Semua pembaca Dewan Siswa yang berumur antara 13 hingga 21 tahun boleh menyertai peraduan ini, kecuali kakitangan dan keluarga Lembaga Hasil Dalam Negeri Malaysia dan Dewan Bahasa dan Pustaka.
2. Keputusan pengadil muktamad dan sebarang surat-menyurat tidak dilayan.
3. Tekaan hendaklah sampai kepada kami sebelum atau pada **31 OGOS 2023**. Jawapan yang diterima lebih awal dan betul semua jawapannya akan diberikan keutamaan.
4. Sertakan nama penuh, alamat, nombor telefon dan jawapan yang tepat.

Borang Penyertaan

Nama :	No. Kad Pengenalan :
Alamat Rumah :	No. Telefon :
.....	Nama Bank :
.....	No. Akaun Bank :
(Akaun bank milik peserta)	
Nama Sekolah/Institut :	E-mel :

Alamatkan jawapan anda kepada:

Editor Dewan Siswa, Bahagian Majalah, Dewan Bahasa dan Pustaka, 50460 Kuala Lumpur
atau e-melkan kepada sitiirni@dbp.gov.my atau syafiqahhalid@dbp.gov.my



Jawapan Kuiz

Tema: Hak Merayu Terhadap Taksiran Cukai

1. SISTEM PERCUAIAN
2. PINDAAN TAKSIRAN CUKAI
3. PERKONGSIAN LIABILITI TERHAD
4. NOTIS TAKSIRAN
5. PELANJUTAN TEMPOH MASA
6. 12 BULAN
7. PROSIDING PENDENGARAN
8. PELEPASAN CUKAI
9. BORANG CP15C
10. PEMATUHAN CUKAI